



Bjørk Lange Kristensen
Inatsisartunut ilaasortaq, Demokraatit

§ 37 naapertorlugu apeqqutip nr. 102--2023-p akineqarnera.

Asasara Bjørk Lange Kristensen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuunneqartut qujassutigaaq. Apeqqutit issuarneqarput ataanilu akineqarlutik.

1. 2021-mi inunngortut 1973-miilli aatsaat taama ikitsigilersimanerannut Naalakkersuisut qanoq isumaqarpat?

Akissut:

Inunngortut amerlassusiisa ineriartornerat Naalakkersuisut malinnaaffigaat malugisimallugulu, piffissami ukiuni 20-ni inunngortut amerlassusaat appariartoqqajaasoq takuneqartoq tak. nalunaarusiaq 2020 – 2021 *Kalaallit Nunaanni ernisut*. Soorlu nalunaarusiami takuneqarsinnaasoq, 2003-p 2020-llu akornanni inunngortut amerlassusaat assigiiginapajaarsimasut, 2020-mut naleqqiullugu 2021-mi nuna tamakkerlugu meeqqat ikinnerusut inuusimallutik. 2021-mi inunngortut amerlassusaannut tunngatillugu Nunatsinni nakorsaaneqarfiup naliliinera Naalakkersuisut malippaat, 2021-mi appariarneq kisitsisit atorlugit nassuiaasiormi appariarnerunersoq imaluunniit ukiumi ataasiinnarmi nalaatsortumik appariarnerunersoq isummiussisoqarsinnaanngitsaq.

Arnat ernisinnaasutut ukiullit amerlassusaat piffissami 1973-mit 2021-mut allanngorarsimavoq, tamanna naatsorsuinernut pingaaruteqarpoq.

a. Inunngortut taama ikitsiginerinut nunatsinni kulturitigut, inuussutissarsiornikkut aammalu sulisoqarnikkut pissutsit ineriartornerinut tunngatillugu Naalakkersuisut ernumassutissanik peqarnerlutik (akissut tunngavilersoqquneqarpoq)?

Akissut:

Ajornartorsiut tamanna ilisimaneqarluarpoq, ukiuni qulikkaani aggersuni inuiaqatigiit agguataarnerisa ineriartornerata utoqqaat amerlanerulernerat aamma sulisinnaasutut ukiullit ikinnerulernerat kingunerissavaa. 1960-ikkut aallartinneranni inunngortut ukiogatigiiaat amerlanerujussuannik ilaatigut utoqqaat amerlanerunerannut pissuteqarpoq. Peqqinnissaq pillugu ataatsimiititaliarsuup isumaliutissiisutaani pissutsit taakkua peqqinnissakkut ilungersunartutut pingaarnertut kingullermik allaaserineqarput. Ineriartornerup ilungersunartuisa inuiaqatigiinnut kingunerisai tigusinnaajumallugit siunissamut ungasinnerusumut pilersaarusiornissamik pisariaqartitsisoqarpoq.

23-06-2023
Suliap nr. 2023-7448
All. nr. 23099283

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

Peqqinnissaq pillugu ataatsimiititaliarsuup innersuussutaanik pingaarnersiutinissaq pillugu oqaloqatigiinnissamut Inatsisartuni partiit tamarmik aggersarneqarsimmammata Naalakkersuisut ilisimatitsissutigisinnaavaat, ilaatigut siunertarineqarpoq, inuiaqatigiit agguataarnerisa ineriartornerata kingunerisassai ikiorsiiffiginarlugit aaqqiissuteqarniarnissaq.

- b. Naatsorsueqqissaartarfik aallaavigalugu 1990-mi inunngortut amerlanerpaa jusimapput, 1.258 inunngorsimallutik. Naak inunngortartut 500-jut angullugit ikilisimagaluartut Nunatta Nakorsaanera nalunaarusiami¹ saqqummeqqammisumi allassimavaa, tamanna nalaatsornerinnakkut pinnginnera naliliissutigineqarsinnaanngitsoq. Naalakkersuisut tamanna isumaqatiginerlugu?**

Akissut:

Nalunaarusiami 2003-p 2021-llu akornanni ineriartorneq innersuunneqartoq. 2003-p 2020-llu akornanni inunngortut amerlassusaat assigiinapajaarsimasut, 2021-mi appariarneq kisitsisit atorlugit nassuiaasiormermi appariarnerunersoq imaluunniit nalaatsornikkut allanngoriarnerunersoq naliliiffigissallugu tunngavissaqanngitsoq Naalakkersuisut nalilerpaat. Inunngortut amerlassusiisa appariarnerat nalaatsornikkut allanngoriaataarsinnaasoq pillugu isummerneq Naalakkersuisut isumaqatigaat, peqatigitilluguli inunngortut amerlassusaat patajaannerulissanersoq imaluunniit suli appariaqqissanersoq ukiuni aggersuni ineriartorneq malinnaaffiginarpaat.

- 2. Meerartaarnissamut pilerinarsaanissaq eqqarsaatigalugu Naalakkersuisut suut suliniutissatut aallartisarniarpaat?**

Akissut:

Kissaatigisanut naalakkersuinikkut akuersissutigineqartunut Naalakkersuisut innersuussippat tak. immikkoortoq UPA2023/66.

- 3. Namineq pisuussutiginagu meerartaarsinnaanngitsut ikiorserniarlugit Naalakkersuisut suut tigussaasut iliuuseriniarpaat?**

Akissut:

Immikkoortoq UPA2023/82-mut attuumassuteqartut naalakkersuinikkut oqallisigineqartut Naalakkersuisut innersuussutigaat.

- 4. Naalakkersuisut pineqartumut allanik paasissutissiisinnaanerlutik?**

Akissut:

Naalakkersuisut allanik ilanngussassaqaqngillat.

¹https://nun.gl/nyheder/2023/05/foedsler?sc_lang=da

Inussiarnersumik inuulluaqqusillunga
Med venlig hilsen

A handwritten signature in blue ink, appearing to read 'Mimi Karlsen'.

Mimi Karlsen
Peqqissutsimut Naalakkersuisoq